



La luna russa

**In cielu la luna è russa / comu lu sangu di tanti nnuccenti
chianginu lacrimi asciutti / cruvicati senz' aviri fattu nenti
si ni vannu muti muti / senza scrusciu ne rumuri
comu arbuli abbrusciati / senza cchiù pampini e sciuri.**

**Pi nun vidiri sta minnitta / miegliu era nun viniri a lu munnu
e sarvari l'uecchi e lu cori / da stu dramma senza cchiù funnu
nfami l'omu ca da Diu / appi in donu sta beddra terra
nun sapi starici in paci / ma prova gustu a farsi la guerra.**

**Lu terzu millenniu si spirava / na nova vita tecchia pi tutti
ma l'omu cerca putìri, ricchezza / e crea sulu tragedi e lutti
si chista è vita ca scigliemmu / allura è giustu ca iu pinzassi
sta terra è megliu senza l'umanu / e ca vinissi l'apocalissi.**

*** giorno di fenomeno lunare e di un bombardamento americano in Afganistan con donne vecchi e bambini trucidati.**

Indice poesie: <http://www.solfano.it/treppiedi/index.html>

Pagina principale: <http://www.solfano.it>